

OFFERYNNAU STATUDOL CYMRU

2022 Rhif 472 (Cy. 116)

**AMAETHYDDIAETH, CYMRU
BWYD, CYMRU**

**Rheoliadau Bwyd a Bwyd Anifeiliaid a Addaswyd
yn Enetig (Awdurdodiadau) (Cymru) 2022**

<i>Gwnaed</i>	-	-	-	-	<i>25 Ebrill 2022</i>
<i>Gosodwyd gerbron Senedd</i>					
<i>Cymru</i>	-	-	-	-	<i>27 Ebrill 2022</i>
<i>Yn dod i rym</i>	-	-			<i>20 Mai 2022</i>

Mae Gweinidogion Cymru yn gwneud y Rheoliadau hyn drwy arfer y pwerau a roddir gan Erthyglau 7(3), 9(2), 11, 19(3), 21(2), 23 a 35 o Reoliad (EC) Rhif 1829/2003 Senedd Ewrop a'r Cyngor ar fwyd a bwyd anifeiliaid a addaswyd yn enetig(1).

Fel sy'n ofynnol gan Erthygl 9 o Reoliad (EC) Rhif 178/2002 Senedd Ewrop a'r Cyngor sy'n gosod egwyddorion a gofynion cyffredinol cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd (2), ymgynghorwyd yn agored ac yn dryloyw â'r cyhoedd wrth lunio a gwerthuso'r Rheoliadau hyn.

Enwi, rhychwant, cymhwyso a chychwyn

1.—(1) Enw'r Rheoliadau hyn yw Rheoliadau Bwyd a Bwyd Anifeiliaid a Addaswyd yn Enetig (Awdurdodiadau) (Cymru) 2022.

(2) Mae'r Rheoliadau hyn—

- (a) yn rhychwantu Cymru a Lloegr;
- (b) yn gymwys o ran Cymru;
- (c) yn dod i rym ar 20 Mai 2022.

Dehongli

2. Yn y Rheoliadau hyn—

(1) EUR 1829/2003; yr offerynnau diwygio perthnasol yw O.S. 2019/705, 2020/1504 a 2022/377. Mae'r termau "appropriate authority" a "prescribe" wedi eu diffinio yn Erthygl 2 o Reoliad 1829/2003.

(2) EUR 178/2002; yr offerynnau diwygio perthnasol yw O.S. 2019/641 a 2020/1504.

mae i “Awdurdod Diogelwch Bwyd” yr ystyr a roddir i “Food Safety Authority” yn Erthygl 2(17) o Reoliad 1829/2003;

ystyr “Penderfyniad 2009/770” (“*Decision 2009/770*”) yw Penderfyniad y Comisiwn dyddiedig 13 Hydref 2009 sy’n sefydlu fformatau safonol ar gyfer adroddiadau i gyflwyno canlyniadau monitro rhyddhau yn fwriadol i’r amgylchedd organeddau a addaswyd yn enetig, fel cynhyrchion neu mewn cynhyrchion, at ddiben eu rhoi ar y farchnad(3);

ystyr “Rheoliad 1829/2003” (“*Regulation 1829/2003*”) yw Rheoliad (EC) Rhif 1829/2003 Senedd Ewrop a’r Cyngor ar fwyd a bwyd anifeiliaid a addaswyd yn enetig;

ystyr “Rheoliad 1830/2003” (“*Regulation 1830/2003*”) yw Rheoliad (EC) Rhif 1830/2003 Senedd Ewrop a’r Cyngor sy’n ymwneud â’r gallu i olrhain a labelu organeddau a addaswyd yn enetig a’r gallu i olrhain cynhyrchion bwyd a bwyd anifeiliaid a gynhyrchwyd o organeddau a addaswyd yn enetig ac sy’n diwygio Cyfarwydddeb 2001/18/EC(4).

Awdurdodi rhoi ar y farchnad gynhyrchion sy’n cynnwys organeddau a addaswyd yn enetig neu sydd wedi eu cyfansoddi neu eu cynhyrchu o’r organeddau hynny

3.—(1) Mae Atodlenni 1 i 9 yn cael effaith.

(2) Yn ddarostyngedig i Erthyglau 11(4) a 23(4) o Reoliad 1829/2003, mae’r awdurdodiadau a nodir yn Atodlenni 1 i 9 yn dod i ben ar ddiwedd 19 Mai 2032.

Dirymiadau

4. Mae’r offerynnau a ganlyn wedi eu dirymu—

- (a) Penderfyniad y Comisiwn (EC) 2009/813 sy’n awdurdodi rhoi ar y farchnad gynhyrchion sy’n cynnwys indrawn a addaswyd yn enetig MON 89034 (MON-89034-3) neu sydd wedi eu cyfansoddi neu eu cynhyrchu o’r indrawn hwnnw(5);
- (b) Penderfyniad y Comisiwn (EC) 2009/814 sy’n awdurdodi rhoi ar y farchnad gynhyrchion sy’n cynnwys indrawn a addaswyd yn enetig MON 88017 (MON-88017-3) neu sydd wedi eu cyfansoddi neu eu cynhyrchu o’r indrawn hwnnw(6);
- (c) Penderfyniad y Comisiwn (EC) 2009/866 sy’n awdurdodi rhoi ar y farchnad gynhyrchion sy’n cynnwys indrawn a addaswyd yn enetig MIR604 (SYN-IR604-5) neu sydd wedi eu cyfansoddi neu eu cynhyrchu o’r indrawn hwnnw(7);
- (d) Penderfyniad y Comisiwn (EU) 2010/419 sy’n adnewyddu’r awdurdodiad i barhau i farchnata cynhyrchion sy’n cynnwys indrawn a addaswyd yn enetig Bt11 (SYN-BT011-1) neu sydd wedi eu cyfansoddi neu eu cynhyrchu o’r indrawn hwnnw, sy’n awdurdodi bwyd a chynhwysion bwyd sy’n cynnwys indrawn Bt11 (SYN-BT011-1)(8);
- (e) Penderfyniad Gweithredu’r Comisiwn (EU) 2018/1111 sy’n awdurdodi rhoi ar y farchnad gynhyrchion sy’n cynnwys indrawn a addaswyd yn enetig MON 87427 × MON 89034 × NK603 (MON-87427-7 × MON-89034-3 × MON-00603-6) neu sydd wedi eu cyfansoddi neu eu cynhyrchu o’r indrawn hwnnw ac indrawn a addaswyd yn enetig sy’n cyfuno dau o’r digwyddiadau MON 87427, MON 89034 ac NK603(9).

(3) EUD 2009/770, a ddiwygiwyd gan O.S. 2019/90 a 2020/1421.

(4) EUR 1830/2003; yr offerynnau diwygio perthnasol yw O.S. 2019/90, 2019/778 a 2020/1421.

(5) EUD 2009/813, a ddiwygiwyd gan O.S. 2019/705.

(6) EUD 2009/814, a ddiwygiwyd gan O.S. 2019/705.

(7) EUD 2009/866, a ddiwygiwyd gan O.S. 2019/705.

(8) EUD 2010/419, a ddiwygiwyd gan O.S. 2019/705.

(9) EUD 2018/1111, a ddiwygiwyd gan O.S. 2019/705.

25 Ebrill 2022

Lynne Neagle
Y Dirprwy Weinidog Iechyd Meddwl a
Llesiant, o dan awdurdod y Gweinidog Iechyd a
Gwasanaethau Cymdeithasol, un o Weinidogion
Cymru

YR ATODLENNI

ATODLEN 1

Rheoliad 3

Adnewyddu'r awdurdodiad i roi ar y farchnad gynhyrchion sy'n cynnwys indrawn a addaswyd yn enetig MIR604, neu sydd wedi eu cyfansoddi neu eu cynhyrchu o'r indrawn hwnnw

Yr organedd a addaswyd yn enetig a'i farc adnabod unigryw

1. At ddibenion Erthyglau 7(3) a 19(3) o Reoliad 1829/2003, pennir y marc adnabod unigryw SYN-IR604-5 ar gyfer indrawn a addaswyd yn enetig MIR604.

Awdurdodi

2. Mae'r cynhyrchion a ganlyn wedi eu hawdurdodi at ddibenion Erthyglau 4(2) ac 16(2) o Reoliad 1829/2003, yn unol â'r amodau a nodir yn yr Atodlen hon—

- (a) bwyd a chynhwysion bwyd sy'n cynnwys indrawn a addaswyd yn enetig SYN-IR604-5, neu sydd wedi eu cyfansoddi neu eu cynhyrchu o'r indrawn hwnnw;
- (b) bwyd anifeiliaid sy'n cynnwys indrawn a addaswyd yn enetig SYN-IR604-5, neu sydd wedi ei gyfansoddi neu ei gynhyrchu o'r indrawn hwnnw;
- (c) cynhyrchion sy'n cynnwys indrawn a addaswyd yn enetig SYN-IR604-5 neu sydd wedi eu cyfansoddi o'r indrawn hwnnw at ddibenion heblaw'r rheini y darperir ar eu cyfer yn is-baragraffau (a) a (b), ac eithrio amaethu.

Labelu

3.—(1) At ddibenion y gofynion labelu yn Erthyglau 13(1) a 25(2) o Reoliad 1829/2003, ac yn Erthygl 4(6) o Reoliad 1830/2003, “name of the organism” yw “maize”.

(2) Rhaid i'r geiriau “not for cultivation” ymddangos ar label cynhyrchion sy'n cynnwys indrawn a addaswyd yn enetig SYN-IR604-5 neu sydd wedi eu cyfansoddi o'r indrawn hwnnw, ac eithrio bwyd a chynhwysion bwyd, ac yn y dogfennau sy'n mynd gyda'r cynhyrchion hynny.

Y dull canfod

4.—(1) At ddibenion Erthyglau 7(3) a 19(3) o Reoliad 1829/2003, mae'r dull a bennir yn is-baragraff (2) i'w ddefnyddio i ganfod indrawn a addaswyd yn enetig SYN-IR604-5.

(2) Dull canfod yr indrawn a addaswyd yn enetig sy'n seiliedig ar PCR meintiol amser real digwyddiad benodol fel y nodir yn y ddogfen o'r enw “Event-specific Method for the Quantification of Maize Line MIR604 Using Real-time PCR”, cyfeirnod “CRLVL04/05VP corrected version 1”, dyddiedig 30 Mawrth 2010.

(3) Mae'r dull o echdynnu DNA sydd i'w ddefnyddio yn y dull canfod a bennir yn is-baragraff (2) wedi ei nodi yn y ddogfen o'r enw “Maize Seeds Sampling and DNA Extraction Report on the Validation of a DNA Extraction Method from Maize Seeds”, cyfeirnod “CRLVL04/05XP”, dyddiedig 3 Ebrill 2007.

(4) At ddibenion Erthyglau 7(3) a 19(3) o Reoliad 1829/2003, gellir cyrchu'r deunydd cyfeirio "ERM®-BF423" drwy Gyd-ganolfan Ymchwil (JRC) y Comisiwn Ewropeaidd(10).

Cynllun monitro'r effeithiau amgylcheddol

5.—(1) Rhaid i ddeiliad yr awdurdodiad sicrhau y gweithredir cynllun monitro'r effeithiau amgylcheddol, sy'n mynd gyda'r cais i adnewyddu awdurdodiad indrawn a addaswyd yn enetig SYN-IR604-5, cyfeirnod "RP476" a gyflwynwyd i'r Awdurdod Diogelwch Bwyd ar 3 Mawrth 2021.

(2) Rhaid i ddeiliad yr awdurdodiad gyflwyno i'r Awdurdod Diogelwch Bwyd adroddiadau blynyddol ar weithrediad y cynllun monitro, a chanlyniadau'r gweithgareddau a nodir yn y cynllun hwnnw, yn unol â'r fformat a nodir yn Atodiad 2 i Benderfyniad 2009/770.

Deiliad yr awdurdodiad

6.—(1) Enw a chyfeiriad deiliad yr awdurdodiad yw Syngenta Crop Protection AG, Rosentalstrasse 67, CH-4058 Basel, y Swistir.

(2) Cynrychiolir deiliad yr awdurdodiad ym Mhrydain Fawr gan Syngenta Limited, Jealott's Hill International Research Centre, Bracknell, Berkshire, Lloegr, RG42 6EY.

ATODLEN 2

Rheoliad 3

Awdurdodiad i roi ar y farchnad gynhyrchion sy'n cynnwys indrawn a addaswyd yn enetig MZIR098, neu sydd wedi eu cyfansoddi neu eu cynhyrchu o'r indrawn hwnnw

Yr organedd a addaswyd yn enetig a'i farc adnabod unigryw

1. At ddibenion Erthyglau 7(3) a 19(3) o Reoliad 1829/2003, mae'r marc adnabod unigryw SYN-00098-3 wedi ei bennu ar gyfer indrawn a addaswyd yn enetig MZIR098.

Awdurdodi

2. Mae'r cynhyrchion a ganlyn wedi eu hawdurdodi at ddibenion Erthyglau 4(2) ac 16(2) o Reoliad 1829/2003 yn unol â'r amodau a nodir yn yr Atodlen hon—

- (a) bwyd a chynhwysion bwyd sy'n cynnwys indrawn a addaswyd yn enetig SYN-00098-3, neu sydd wedi eu cyfansoddi neu eu cynhyrchu o'r indrawn hwnnw;
- (b) bwyd anifeiliaid sy'n cynnwys indrawn a addaswyd yn enetig SYN-00098-3, neu sydd wedi ei gyfansoddi neu ei gynhyrchu o'r indrawn hwnnw;
- (c) cynhyrchion sy'n cynnwys indrawn a addaswyd yn enetig SYN-00098-3 neu sydd wedi eu cyfansoddi o'r indrawn hwnnw at ddibenion heblaw'r rheini y darperir ar eu cyfer yn is-baragraffau (a) a (b), ac eithrio amaethu.

Labelu

3.—(1) At ddibenion y gofynion labelu a nodir yn Erthyglau 13(1) a 25(2) o Reoliad 1829/2003, ac yn Erthygl 4(6) o Reoliad 1830/2003, "name of the organism" yw "maize".

(10) <https://crm.jrc.ec.europa.eu>.